

Baca bahan-bahan yang diberikan dengan teliti. Kemudian, jawab soalan-soalan yang berikutnya.

Bahan 1

Dari cerobong dapur
asap berjelaga berkepul
terkecur liur
harum berbau juadah tersohor.

Perut yang lapar
selera kian mengelepar
menanti roti dibakar
rangup dan segar
terhidang seumpama permaidani terhampar.

Kala roti di depan mata
nafsu makan pun bergelora
berkeping-keping menggegar selera
perut pun kenyang terasa
tenang bersendawa.

Bagi pemilik iman di dada
sendawa itu tidak sempurna
masih ada beban di bahu mereka
warga miskin belum terbela
masih merintih lapar dahaga.

Bila begitu selamanya
kalimah syukur pun jelas tertera
di hati sanubari warga dunia
melangit damai dirasa
percikan iman segar berwarna

(Sajak Roti, *Antologi Budi Baik, Indah Bahasa*, Tingkatan 2)

Bahan 2



- i. Bahan 1 menggambarkan keperluan bagi orang yang lapar. Bahan 2 menunjukkan orang miskin yang memerlukan wang dan makanan untuk terus hidup.

Bagaimanakah rasa lapar dapat memberikan keinsafan terhadap nasib orang lain?

Rasa lapar akan membuatkan seseorang itu dapat a) _____ seterusnya
membuatkan mereka lebih bersyukur apabila menikmati makanan. Lantaran itu, mereka
tidak b) _____.

- ii. Berdasarkan Bahan 1, mengapakah roti amat digemari oleh masyarakat?

Roti amat digemari masyarakat kerana c) _____. Seterusnya,
d) _____ menyebabkan sesiapa sahaja boleh membuatnya.

- iii. Pada pendapat anda, mengapakah kemiskinan sukar untuk diatasi dalam sesebuah masyarakat dunia?

Pada pendapat saya, kemiskinan sukar diatasi kerana kebanyakan orang yang miskin berasa selesa dengan kehidupan yang dilalui menyebabkan mereka

e) _____ . Seterusnya, masyarakat miskin majoritinya
kurang f) _____ menyebabkan mereka sukar untuk
mengubah nasib diri dan keluarga.

Pilihan jawapan – Seretkan jawapan dan letakkan pada ruang kosong.

- akan lokek untuk memberikan bantuan makanan kepada orang miskin
- tiada keinginan untuk mengubah nasib
- harganya agak murah menyebabkan semua lapisan masyarakat mampu membelinya
- membayangkan keadaan orang miskin yang kelaparan
- proses menyediakan roti lebih mudah
- mendapat pendidikan yang sempurna